

**ՀՀ ԱԶԳԱՅԻՆ ԱՆՎՏԱՆԳՈՒԹՅԱՆ
ԾԱՌԱՅՈՒԹՅՈՒՆ**

«24» 06 2019թ.
N 70-Ղ

ՀՀ ՎԻՃԱԿԱԳՐԱԿԱՆ ԿՈՄԻՏԵ

«16» 07 2019թ.
N 83-Ա(Կ)

ՀԱՄԱՏԵՂ ՀՐԱՄԱՆ

Կառավարական քաղաքային հեռախոսակապի ծառայություններ մատուցելու մասին

ՀՀ ազգային անվտանգության ծառայության տնօրենի տեղակալը և ՀՀ վիճակագրական կոմիտեի նախագահը, ի կատարումն ՀՀ Կառավարության 2011 թվականի սեպտեմբերի 22-ի N1500-ՆԳ որոշման, ղեկավարվելով «Ազգային անվտանգության մարմինների մասին» ՀՀ օրենքի 26-րդ հոդվածով և ՀՀ Կառավարության 2018 թվականի հունիսի 15-ի N706-Ն որոշման 1-ին կետով հաստատված «Բյուջեների կատարման կարգի» 38-րդ կետի պահանջներով՝ ՀՀ վիճակագրական կոմիտեին կառավարական քաղաքային հեռախոսակապով ապահովելու և սպասարկելու նպատակով՝

ՀՐԱՄԱՅՈՒՄ ԵՆՔ

1. ՀՀ ազգային անվտանգության ծառայությունը ՀՀ վիճակագրական կոմիտեին մատուցում է կառավարական քաղաքային հեռախոսակապի ծառայություններ (այսուհետ՝ «Ծառայություններ»), իսկ ՀՀ վիճակագրական կոմիտեն վճարում է այդ Ծառայությունների դիմաց՝ սույն համատեղ հրամանով սահմանված կարգով:
2. Սույն համատեղ հրամանով նախատեսված պահանջները տարածվում են կողմերի միջև 2019թ. մայիսի 1-ից ծագած հարաբերությունների նկատմամբ:
3. **ՀՀ ԱԶԳԱՅԻՆ ԱՆՎՏԱՆԳՈՒԹՅԱՆ ԾԱՌԱՅՈՒԹՅՈՒՆՆ ԼՊԱՀՈՎՈՒՄ Է.**
 - 1) Ծառայությունների որակյալ, անխափան մատուցումը և սույն համատեղ հրամանով նախատեսված պարտավորությունների կատարումը,
 - 2) կապի միջոցների անխափան աշխատանքը և վնասվածքների ժամանակին վերացումը,
 - 3) ՀՀ վիճակագրական կոմիտեում տեղադրված կապի միջոցների և բաժանորդային գծի անվտանգությունն ապահովող հատուկ միջոցառումներ՝ գաղտնի տեղեկատվության արտահոսքը կանխելու նպատակով,
 - 4) կառավարական կապի միջոցների տեղադրումը, վերատեղադրումը և ծառայությունների մատուցումն ու դրանց հետ կապված աշխատանքների կատարումը՝ ՀՀ վիճակագրական կոմիտեի կողմից վճարման պարտավորության մասին գրավոր հայտ ներկայացնելուց հետո,
 - 5) կառավարական քաղաքային հեռախոսակապի անջատումը, եթե ՀՀ վիճակագրական կոմիտեն չի կատարում Ծառայությունների դիմաց բաժանորդային վճարումը՝ ըստ սույն համատեղ հրամանի 4-րդ կետի 4-րդ ենթակետի:
4. **ՀՀ ՎԻՃԱԿԱԳՐԱԿԱՆ ԿՈՄԻՏԵՆ ԼՊԱՀՈՎՈՒՄ Է.**
 - 1) ՀՀ ազգային անվտանգության ծառայության կապի հանգույցից մինչև իր աշխատասենյակները առանձին մալուխային գծի շարքից դուրս գալու դեպքում վերանորոգման աշխատանքների ծախսերը՝ ըստ կառավարական կապի միջոցների շահագործման հատուկ պահանջների,
 - 2) կառավարական կապի միջոցների շահագործման հատուկ պահանջների կատարումը և այն աշխատասենյակների պահպանումը, որտեղ տեղադրված են այդ միջոցները,
 - 3) իր մոտ տեղադրված կապի միջոցների պահպանումը:

№	ՏԵՂԱԴՐՄԱՆ ՎԱՅՐԸ	Կառավարական քաղաքային կապ	Ընդամենը
1.	ՀՀ վիճակագրական կոմիտեի նախագահի աշխատասենյակ	1 x 225 000	225 000
	կապի անվտանգությունն ապահովող հատուկ ծառայություններ	1 x 100 000	100 000
	ընդամենը տարեկան վարձը		325 000
երեք հարյուր քսանհինգ հազար դրամ			

- 4) բաժանորդային վճարումների փոխանցումը ՀՀ ազգային անվտանգության ծառայության հաշվարկային հաշվին՝ ոչ ուշ, քան եռամսյակը մեկ ԱԱԾ-ի կողմից ներկայացված փաստաթղթերի հիման վրա:
- 5) Վճարումները կատարվում են ՀՀ դրամով:
- 5) իր մոտ տեղադրված հատուկ կապի միջոցների վերադարձը ՀՀ ազգային անվտանգության ծառայությանը՝ տեխնիկապես սարքին վիճակում՝ Ծառայության մատուցումների վերջնական դադարեցումից անմիջապես հետո,
- 6) ՀՀ ազգային անվտանգության ծառայությանը պատկանող կապի միջոցների արժեքի փոխհատուցումը՝ ըստ կազմված համապատասխան ակտի, եթե դրանք կորստի են մատնվել իր մեղքով:
5. Ուժը կորցրած ճանաչել ՀՀ ազգային անվտանգության ծառայության և ՀՀ ազգային վիճակագրական ծառայության 2011 թվականի դեկտեմբերի 15-ի N78-Ա համատեղ հրամանը:

ՀՀ ազգային անվտանգության ծառայության
տնօրենի տեղակալ




Ա. Հակոբյան

ք. Երևան, Նալբանդյան 104
ՀՀ ֆին. նախ. գործառնական վարչության
համայնքների և պետական հիմնարկների
բյուջեների հաշվառման բաժին
հ/հ 900018301011
հվհհ 01507079



ՀՀ վիճակագրական կոմիտեի
նախագահ



Վ. Մնացականյան

ք. Երևան, Կառավարական 3-րդ շենք
ՀՀ ֆին. նախ. գործառնական վարչության
համայնքների և պետական հիմնարկների
բյուջեների հաշվառման բաժին
հ/հ 900011011013
հվհհ 02507509



Տնօրենի տեղակալի պաշտոնատեղի և կառավարական կապի գլխավոր վարչություն _____ հեռախոս՝ 1-99



